

乾隆乙亥重鑄

蒲州府誌

府署藏板

蒲州府志序

蒲於古為帝都風教之所由始  
文物之所由昭襟山帶河界連關  
陝握控雍豫蓋全晉之形勝屏  
障西南者也其間名賢代出彪  
炳宇宙泣茲土而以循良著者史  
不統書則凡夫政治之因革山川之  
錯繡風俗之盛衰人物之顯晦占  
都邑城池之代更代變者不有志

何由知夫士生千百世以下而千百  
世以上燦若列眉坐臥一室之中  
而于百里以外燦如指掌其藉於  
志者深矣故周禮職方所掌其  
責甚系重非徒為好古之士數典不  
忘上以資承之是邦者考文激猷  
而佐治有方也余於

今上之乾隆十年奉

命撫晉甫下車即諮訪屬郡守賢

能既而蒲東守周君來謁言論  
風采恂乎儒吏也周君先是由  
太原調補寧武又由寧武調補  
蒲東所領劇郡著有循聲簿  
書之暇即勤以志乘為事聞寧  
武之役某有成書矣而蒲東自列  
郡以來尚仍州志數十年未有起  
而脩之者大抵士大夫以官為客以  
為不急也而緩之以為無益也而揮

之而周君獨慨然以為己任蒐羅  
闕採取舊聞以因為創使蒲郡之  
有志自周君始不可謂非有心人也  
雖然著述非二千石長也興利除  
弊率屬憂民均徭役振廢墜旌  
別泐慝彰善瘅惡此皆蒲志之  
空言而可見於實事而與前摺之  
循良後先輝映者也周君勉乎哉  
志既成將授劄劄裝寫成帙分

門彙聚列卷為二十有四問序於  
余因為道夫志之所以重而周君之  
深心於此非苟焉已也既以勉夫周  
君并以勉夫後之守蒲者  
時

大清乾隆十九年歲在甲戌丙子月望

後五日

巡撫山西等處地方兵部右侍郎  
董管提督節制全省軍務長白

三

恒文書於太原官舍

序

儒者之為治果何以異乎人哉以其能興文學勵風俗而振教化也西漢郡守以循良稱凡六人考所施為無不由此後世言吏政者莫加焉蒲州周使君赴澗東早用中舍人聲高嵩嶽徽省下佐郡南海旋典太原復自寧武移守河中裕於政理久矣予以乾隆庚午歲持節是邦又二年而

君至接其言論徐以觀其所為益信君為儒者及得君寧武志親之不以邊郡相鄙而勤纂述使其地之山川人物得藉以見焉於是益歎使君之果有以異乎人則又私度河中當志乘以扶之餘曾無越而謀其事其有網羅蒐討俾掌故弗湮燦然復備者必且賴於君也哉乃未幾而君果以郡史為急手訂輯之數月而書成以

質於予之惟天道數十年一變人事隨  
之以今曩之不同而著其醇澆不其媿惡  
即風俗之所以勸也自康熙丁未託於今  
茲忠孝節烈或未彰者志以表之即  
教化之所以振也方古明時河中人文萃  
出仕宦相率近或感察閭焉君以是役  
進諸生而詔之相與辨其義例猶稽古  
編摩文學之興又將由此異日者白圭  
振鷲之堯蜚英騰秀聯武駢軫以

二

追往盛非使君之功又奚屬哉君益  
懋勉焉以書第一之績則蜀之文翁  
桐鄉之朱邑班史所列夫何讓焉會  
當槩本使君欲叙其端因舉是以  
為之說

時

乾隆十九年歲在甲戌中夏之吉  
賜進士出身分守河東兵備道上海

喬光烈潤齋氏序

序

天下郡國皆有書蓋本於周官四方之志以紀星土表山川叙民物述其媿惡而知其好惡不可廢也昔紫陽朱氏名世大儒應官所至常喜問其志書而考求之卒以紀載所存其託繫乎地者多且要焉不特侈文辭備故事而已自後世隘政者往往視為不急於是因任陋眊者有之簡牘廢置遠或至於百年

數十年而籍錄所掌歸於空虛入其國者欲覽之而莫由上史官者將采焉而弗得嗚呼不三重可歎哉余以庸弁荷

國厚恩典郡山右初自太原寧武乾隆壬申復移守河中思奉職不稱旦夕慄々思求昔時賢牧伯所措施以治其人者而導之師於是緡蒲州舊志則唐裴寬陸象先宋范純仁諸公在焉益悚媿於效

法之無由徐而視其歲月以自康熙五年  
丁未至今且九十載中間曠焉纂述邈絕慨  
然歎今之蒲非昔之蒲也昔州而今郡則紀  
綱異矣昔縣有河津而今析焉則統隸異  
矣昔無永濟虞鄉今乃設焉則建置異  
矣加乃官司之立典祀之增學校之分營  
事為之代起及其風俗時貿選舉歲登戶  
版盈虛襍祥消息可無裛載用授司存  
乃自雍正戊申改郡以來上追舊志輟筆之

後佚者蒐之敬者萃之差其先後著其  
異同勒成一編以為郡志夫古使者輶軒所經  
輯其山川為一書民俗為一書政治得失為一  
書豐荒水旱為一書歸而上諸朝廷以備  
方州之診問况余承乏屬守此土非郵傳  
過車者以敢謂事非所急任而置之况以撰  
輯之勞護後來也哉若謂前時為政者  
皆未及此余獨以是躬親獲之奇俾郡人  
士稱有志自今始庶幾美而傳焉余意固

不然且奚必然乾隆甲戌清和之辰  
嚴陵周景柱叙於河中官舍

蒲州府志發凡

志爲郡史不可或缺蒲自爲府以來垂三十載既  
未有書卽州之舊志修自康熙五年至今將九十  
歲記載久佚文獻無徵茲廣搜遐討取舊州志與  
平陽府志參合考校擇是去非自前甲辰訖今乾  
隆甲戌補殘續缺以成此書要歸謹嚴精核足使  
傳信而已

志凡二十門區分四部以爲綱領曰地輿疆域山  
川水利皆地也風俗因乎地者也古跡託乎地者

蒲州府志

發凡

一

也物產地之所有也首舉分野地之繫也曰官政  
城郭祠祀以及選舉皆政也記名宦者書政之實  
以昭勸也曰人物忠節孝義列女諸科皆人也統  
以人物而類分焉各得其序也曰藝文紀事文之  
考也餘錄文之餘也春秋重地故首地輿政以治  
地故繼述官政人爲本故人物繼之技爲末故次  
以藝文終焉  
志乘之學地理爲難蓋古今變更名號數易疆域  
割糴出入不同後言地輿者影響相傳傳會相指

雖以征南淮南二杜之精於學寰宇括地之博於文要尚不能無誤今博採史傳及古今地理諸書而校其得失庶於郡地有所考正云

志乘諸書類有沿革而多無地表今特爲此篇列在沿革之首凡沿革所不能盡書者於表著之表所列於秦已上加詳而沿革則自漢始蓋自先秦戰國上至夏商其地雖在其名或存而無以考其建置與夫爲沿爲革之實故也古者左圖右史史以考其文圖以明其驗表猶圖也既志沿革而復

著其凡於表俾覽者得以相資夫志之爲體雖同於史亦微有分焉彼遷固諸表爲年爲月異姓同姓以其不可括之於志故八書十志而外復有此篇則因其異而異之者也今表與沿革並言地輿事非兩岐故合而同之如出一孔有兼明也非贅且複也

門目煩多則失體例宜歸併省各使類從故田賦之下而丁戶附焉官署兵衛之下而庾驛附焉山川之下而關梁水利附焉壇壝之下而祠廟附焉

古跡之下而塚墓寺觀附焉  
郡之田賦唯書大九蓋志乘與吏胥案牘故復不  
同况郡書視縣史又有異乎

州舊志列帝系平陽府志有帝王門即山西通志  
亦然不知其非體而於義甚不可也今不復著  
郡多古跡無不搜載尚有見於傳記以其事隱而  
世不能舉其名者亦從而書之以存掌故

前代人物必核其爲郡產始列之冊若平陽志與  
州舊志以皇甫嵩爲萬泉人而不知其爲安定者

似此非一竝爲削正又河津今隸絳州故太史公  
文中子薛文清等亦竝不錄云

人物有載史氏全文者有節錄者要唯其適又自  
唐已前人仍書汾陰寶鼎等以循史文之舊

所列人物自明代至今尤尚嚴慎不敢濫雜致乖  
實錄

列女唯節行尤著者爲之傳餘唯採姓氏書之  
藝文者志乘之英華雖不能盡載其與郡人郡事  
有相係屬者必舉錄焉若泛然之辭所不取也

祥異兵氛諸志竝列今別爲事紀一篇凡巡幸慶賞賑卹興役諸科莫不具載而兵祥列入其中各依時代爲次考郡事者上下千載可指掌得之地理山川古跡陵廟說有見於傳記者單辭片語必取掇焉亦數典不忘之義也

事有疑誤必資辨析地理山川人物等有載在諸志而訛謬相仍者各爲疏辨著於本條之下沒而可祭於社者唯三不朽足以當之若不過謹愿自好則仲長公理所爲婦女之檢柙鄉曲之恒

人耳皆欲爭馨俎豆名器濫褻不乃甚乎諸志凡祀鄉賢並疏著於本傳及科目姓氏下今不復出寓矯俗之微意云

璣語逸事有可稱談粹而舉之以爲餘錄又諸志每門例有小序骹辭無取今省之

凡志郡國者其幅員疆理城郭宮室山川往跡必躬履目驗盡其形狀能者從而筆記可使如營新豐故自三輔皇圖而下若戴延之郭緣生酈道元盛弘之以及陸氏入蜀記等數十百種讀者雖未

至其地第覽其書而東西下高之形曲折向背之勢可得之目中遇之紙上若夫逸軌曩躅尤尚訪求好事之徒資相接語又須廣羅籤軸使證逮足供今履驗所施議顧未及加乃掌故無咨於博士繙考絕少於陳編一手齋居營成三月會稽典錄荆楚歲時載筆恐疎或慙作者後之君子詳其缺焉

蒲州府志修輯姓氏

總修

分守河東兵備道

喬光烈

潤人 齋丁 江南上海

蒲州府知府

周景柱

西人 擊己 浙江遂安

分修

永濟縣知縣

張淑渠

潛人 齋戊 山東濟寧

臨晉縣知縣

陳正勳

晉人 齋己 湖北江夏

萬泉縣知縣

畢宿燾

溥人 幼己 山東文登

猗氏縣知縣

李合

匯人 川壬 雲南元謀

蒲州府志

姓氏

一

榮河縣知縣

蔣蘭

貴州貴陽人 壬子舉人

署虞鄉縣知縣

莊行恭

福建福清人 壬申舉人

原任永濟縣知縣

孫際震

朗人 菴乙 直隸滄州

原任臨晉縣知縣

周遐齡

紹人 彭癸 河南南陽

原任猗氏縣知縣

李本楫

尋人 木拔 山東惠民

原任猗氏縣知縣

尋紹舞

癸丑 山東金鄉人

原任榮河縣知縣

方立經

湖北興國人 甲子舉人

原任署萬泉縣知縣

胡承璧

安徽涇縣人 丁巳進士

原任虞鄉縣知縣

顧月化

用人 可癸 江南甘泉人 卯舉人

原任虞鄉縣知縣

高 對

山東歷城人 生員保舉

採訪

蒲州府學儒學教授

鄒承穎

敦復山西高平人 甲戌進士

原任臨晉縣教諭

馮 仁

山西陽曲人 辛酉舉人

校錄

侯 魯 府學廩生

張君綬

府學廩生

崔 燧 永濟縣廩生

薛衍先

永濟縣增生

王 旦 臨晉縣附生

王上達

臨晉縣附生

何始昇 猗氏縣附生

蒲州府志目錄

第一卷

星野

地表

沿革

形勝

疆域

第二卷

山川

第三卷

古蹟

風俗

物產

第四卷

蒲州府志

目錄

一

城池

壇廟

官署

第五卷

學校

田賦

兵衛

第六卷

職官

第七卷

宦績

第八卷

選舉上

第九卷

選舉下

封蔭

第十卷

人物上

第十一卷

人物中

第十二卷

人物下

第十三卷

蒲州府志

目錄

一一

忠節

孝友

文苑

吏師

第十四卷

義行

隱逸

方伎

仙釋

寓賢

續傳

第十五卷

列女

第十六卷

藝文一

第十七卷

藝文二

第十八卷

藝文三

第十九卷

藝文四

第二十卷

藝文五

第二十一卷

藝文六

蒲州府志



目錄

第二十二卷


藝文七

第二十三卷


事紀


第二十四卷

餘錄




府  
誌  
畧






三





萬泉縣圖



四







五









藩府署




九




永濟縣署圖




+




學宮圖




十一




高唐河圖



儒學坊




雷首山圖





中條山圖



歷山圖






姚暹渠圖



西海廟圖



河濱廟圖



寢殿

河濱神殿

雨師殿


御書  
神亭

二門

大門


碑

西門




汾陰后土祠圖


汾




虞帝廟圖





湯王陵圖



重華街




二賢祠墓圖



薰風臺圖



萬固寺圖




棲巖寺圖



永樂宮圖









蒲州府志卷之一

分野

左傳遷實沈于大夏主參

帝王世紀自畢十二度至東井八度爲實沈之分於

辰爲申魏之分野

星經參十星一曰參伐一曰大辰一曰天市一曰鈇

鉞主斬刈又爲天獄主殺伐又主權衡所以平理

也又主邊城爲九譯參白虎之體其中三星橫列

三將也三小星曰伐天之都尉也

蒲州府志

卷之一

星野

一

北斗第三星曰璣其分爲梁魏

五車西南星曰卿星主熒惑主魏

九坎東列星北一星曰齊齊北二星曰趙趙北一星

曰鄭鄭北一星曰越越東二星曰周周東南列二

星曰秦秦南二星曰代代西一星曰晉晉北一星

曰韓韓北一星曰魏其星有變各以其國占之

史記晉之疆候在辰星占於參罰

漢書魏地觜觿參之分野也其界自高陵以東盡河

東河內南有陳留潁川河南

晉書河東入張一度

唐書天文志一行議云初畢十度中參七度終東井十一度自漢之河東及上黨太原盡西河之地古晉魏虞唐耿揚霍冀黎郇與西河戎狄之國西河之濱所以設險限秦晉故其地上應天闕其南曲之陰在晉地衆山之陽南曲之陽在秦地衆山之陰陰陽之氣并故與東井通河東永樂芮城河北縣及河曲豐勝夏州皆東井之分參伐爲戎索爲武政當河東盡大夏之墟上黨居下流與趙魏接

蒲州府志

卷之一

星野

一一

爲觜觿之分

大明清類分野書云自畢七度至井八度爲實沈之分平陽府參分蒲絳吉隰霍解六州皆觜參分論曰郡之分野其爲實沈之次尚已至天官家言星或以爲參井或以爲觜參訖無有定大抵漢唐諸志皆統全魏之地而言之且統星次之所及者而總說之故觜參參井兼稱並舉以詳其旨而一行所言尤精特其謂河東永樂芮城河北與河曲豐勝夏州皆東井分而又謂參伐

當河東盡大夏之墟夫永樂芮城河北非即河  
東乎且河曲豐勝其去永樂河北亦甚遠矣謂  
同東井之分斯於義亦未安也既以河東當參  
伐又以永樂芮城河北爲東井說幾自相牴牾  
意其言參伐者則得之而屬永樂河東於東井  
恐不爲定論也晉志成於李淳風唐之善言天  
者無如淳風以爲入張一度蓋張爲周星而河  
東近接陝洛其星度之鈎帶出入或相及焉然  
要不得謂河東兼有張分也大抵地體方而主

靜郡國之疆域有常天運員而至變星度之環  
羅相錯使仰觀俯察必寸寸而度之節節而析  
之以強求上下之合必有泥且鑿而不可通而  
反失其是者自以古言天者於東西南北四宮  
之星之屬方州者亦止概言其畧使得其大要  
足備於占察而已明洪武初詔劉伯溫等修大  
明清類分野書蓋取州郡與天星之分屬者全  
而配之其於山西言實沈言觜觶蓋亦本漢唐  
之舊其曰平陽參分是矣其曰蒲絳吉隰霍解

六州皆觜參分則以一行所言辨之一行謂上黨次居下流與趙魏接爲觜分初不及河東是觜觶明爲上黨分今潞安澤州得以言之若蒲絳何與且二十八星唯觜最短大行以西大河之曲不能及也意清類所言其於測量分配容有未盡其精者今以古人所說合地輿天官準之分野宜唯得參而無井觜則直以太史公子產之言決之子產告晉平公曰昔高辛二子實沈闕伯日尋干戈后帝不臧遷實沈于大夏主

參武王邑姜方震太叔夢帝謂已命子曰虞將與之唐而蕃其子孫及成王滅唐而封太叔故參爲晉星夫晉始封唐後遷於絳而蒲坂屬焉是其分宜專在參特恠實沈古之凶人帝乃使主參於事已奇彼獨能以其神上列星紀至千載後言天者必猶稱之而莫能廢斯又理之不可得推者也

班氏天文志云觜觶參益州其說本於春秋元命苞蓋五緯之學盛出於西京之末固自有其

說非漫然言之者後人不得其旨至譏爲謬亂而莫可曉不知觜參益州彼初不指分野特以占法言之耳漢志明云角亢氏沅州房心豫州以至柳七星張三河翼軫荊州云云明謂在沅州則占角亢氏在荊州則占翼軫而益州則兼占觜參也故其下復有甲乙海外日月不占又有甲齊丙楚戊魏巳韓云云是觜參益州以星爲占甲乙丙戊者以日視星爲占耳後人讀書未精徒欲據益州之文用相譏詆不已失乎顧

益州宜占井鬼而乃占觜參者以梁蜀地當西南自天之十二辰論之與魏晉同爲申位故亦得以觜參爲占且星之分野有定而占變無定如太史公云晉疆候在辰星占於參罰此以分星爲占占之有定者漢高帝七年月暈參畢七重而帝有平城之圍平城畢分而參亦及焉此占之無定者且元命苞不云乎牽牛之精流爲揚州牛女定爲揚州之分然齊占亦兼牛女春秋魯昭公十年有星出於婺女宜越有災而稗

竈以爲晉君將死此又占之無定者然則黻參  
爲益州以此求之其說自明可勿惑於漢志也

古今郡地表

上古

烈山氏柱都

世後烈神農  
氏都于蒲山  
坂路史國  
名記媯本  
之作瀉嬴姓  
之國柱所  
都蒲坂今  
河東有瀉  
水

有娥國

史記湯母簡狄  
有娥氏女正義  
云按記桀敗於  
有娥之墟有城  
之墟在蒲州也

蒲州府志

卷之一

地表

七

陶唐

堯舊都

通典堯舊都在  
蒲水經注雷首  
俗亦謂之堯山  
山上有故城又  
曰堯城闕駟十  
三州記曰蒲坂  
堯都蓋堯常亦  
都此後遷平陽

有虞

帝都

皇甫士安云舜所  
都或言平陽或言  
上都或言蒲坂地  
上谷或言舜舊都  
理志言舜舊地在  
蒲州東南括地志  
云河東縣南二里  
蒲阪故城舜所都  
水經注云陶城所  
蒲坂城北即舜在  
所都城依道元說  
則以今永濟縣北  
三十里之陶邑鄉  
為舜都之舊依括  
地志謂在河東縣  
南二里蒲阪故城  
又與道元所記不

蒲州府志

卷之二

地表

八

合至括地志謂城  
中有舜廟城外有  
舜宅二妃壇則又  
似指歷山然云在  
縣南二里亦非其  
實大抵年載甚遠  
不可盡詳而舜都  
于蒲則無疑舜平  
陽上蒲谷恐徒出假

夏氏

王畿甸服

書至弼成五服  
於王畿其  
首王畿其  
天子畿其  
禹貢五自  
里蓋五百  
四面推之  
不曰千里  
云五百里  
都安邑今  
夏縣去蒲  
及三里蒲  
于夏時在  
內西面五  
里正中五  
正其供納  
積地

蒲州府志

卷之二

地  
表

九

而服王事之  
役者其後  
孔甲居於西  
河則今於津  
榮河間蒲  
尤近榮復還  
安邑引史記  
正義引康居  
古文邠太康  
斟鄩亦居  
之周書亦居  
篇武王問太  
公吾欲因河  
夏之居即有  
南是也括地  
志南榮居也  
西南榮居也  
里蓋亦無常

商氏

舊蒲州志平陽府志並以  
商氏諸志因之則誤  
於說者之妄謂都  
今垣曲耳史記自契  
湯八遷湯始安居亳  
王居皇甫士安梁先  
穀熟為皇甫安所都  
地志宋州南毫縣南  
故城即南蒙城為北  
湯所盟地河偃師為  
西亳帝嚳及湯所都  
說三亳分湯此垣  
曲之亳為明都甚  
孟子湯居亳與葛為隣

蒲州府志

卷之二

地表

漢書地理志今梁國  
寧陵故葛鄉地  
寧彭葛伯國傳記所  
言彰可考書序湯伐  
桀自陟大坳歸自夏  
於大坳為地  
定陶去亳近  
驗之知穀熟南  
不疑而皇甫括地  
莫可易矣自流俗  
之徒妄為好事  
垣曲當為好  
陋謬有張象不  
之辨特其識多鄙  
書傳皆少通云  
面山山皆通云  
知山山皆通云  
寨湯妃墓為據證則正



與於甸服矣

西周

侯國

虞

本上古虞幕後國之  
今平陸縣及郡古  
虞鄉皆其故地  
至商末尚存  
國至武王以封周古  
初滅武王以封周古  
雍後曰周章者入  
春秋并於周章者入  
晉獻公於周章者入  
殷時侯國見文王  
之世太公伐紂收  
虞師太公伐紂收  
臨虞之師太公伐紂收

芮

蒲州府志

卷之二

地表

十一

郇

而國是芮城及芮  
魏同域疆索亦芮  
蒲坂焉左傳桓九  
年梁賈芮同桓九  
曲沃郇今猗氏伐  
為近郇也今猗氏  
周文王子封鄭箋  
郇伯郇侯也鄭箋  
云為郇伯侯也鄭  
侯之為郇伯侯也  
及解州為猗氏縣  
有郇城汲其故地  
武公滅郇以書晉  
夫原氏賜大晉  
嬴姓古伯翳後國  
杜征南云伯翳後國  
東有南云伯翳後國  
津東有南云伯翳後國

耿

及郡之榮河縣

冀

為其地入春秋  
 為晉所滅  
 本商時國太公陰  
 謀有冀侯崇侯入  
 春有冀侯崇侯入  
 南云并於晉征  
 有冀亭通氏東北  
 在冀縣東北考云國  
 晉使荀息假道於  
 虞曰冀為不道入  
 自顛軫伐鄭三門  
 顛軫在解州平  
 陸間冀於當時杜  
 雖據皮氏亭言之  
 然今河津萬泉二  
 縣宜為冀故地蓋  
 萬泉北為冀故地  
 接萬泉北為冀故地

魏

冀得入顛軫之鄉  
 而伐虞或以今鄉  
 寧為冀地則不知  
 其古北屈也北魏  
 隋唐並置冀氏縣  
 則本漢上黨穀遠  
 縣地界中非此冀  
 岳陽界中非此冀  
 地也古魏為所  
 古國春秋為晉  
 滅以賜畢萬後為  
 戰國賜畢萬後為  
 城在河東魏  
 二里河東魏  
 山十里河東魏  
 則今永濟山南  
 樂西至河皆古魏

瑕

也鄭氏詩譜以爲  
 雷首之北析城之  
 西南枕河曲北涉  
 矣然當時析城以  
 西有夏公虞且  
 有芮國北有耿冀  
 晉亦在焉恐鄭氏  
 所言但得晉三卿  
 所氏之始而古魏  
 不氏之始而古魏  
 不然若云雷首之  
 北南枕河曲則芮  
 矣劉良器以爲芮  
 伯奔魏之後稱芮  
 芮而稱魏後不稱  
 而一之徒謬語矣  
 左傳文公十年漢  
 詹嘉處瑕後漢志

者 附古諸侯之國係郡地

注地記曰在  
 氏縣東北  
 云郇瑕  
 皆古國

張

國名記云古揮  
 封或云黃帝  
 若封王符云今  
 東有東張城西  
 城至晉爲大張  
 夫張老采倫封  
 黃帝臣倫封路  
 史爲倫今榮河  
 是博物記以汾  
 綸爲夏少康邑

綸

國名記云古揮  
 封或云黃帝  
 若封王符云今  
 東有東張城西  
 城至晉爲大張  
 夫張老采倫封  
 黃帝臣倫封路  
 史爲倫今榮河  
 是博物記以汾  
 綸爲夏少康邑

東周

補亦地上甚以通至北州虞與夷恒北川  
而畧之及矣屬志蒲若則周夏其山并漳  
錄勿有於又周於絳自汾州十皆涑川其浸  
之能可三代西州州冀石太原以并而唐  
詳考九周其地州而南  
特見郡以失表也  
爲者郡以失表也

蒲州府志

卷之二

地表

十五

蒲 猗 解

其州周關故國河不姓河解里之南今國下解  
山之官即國名東義之圖體以南故河名篇見  
鎮圖職魏在記有少國括名蚩虞解中記  
曰北方蒲河云猗康猗地尤鄉城臨云  
霍曰氏邑中蒲氏滅夏象  
山冀掌 蒲衣城之朋有  
其州九 津之 今淫猗  
北桑縣東後

春秋侯國

晉

晉地始封河汾之平  
東地方百里今之  
陽翼城間耳去蒲  
雖邇然其時蒲地  
分屬諸小國晉未  
之有也至春秋魯  
隱公元年曲沃莊  
伯始伐晉至周桓  
王世莊伯武桓  
稍益強其伯子武  
年遂滅晉為諸侯  
則已滅周釐王時  
於是以始滅郟武  
公子是始為獻公  
征伐以是為獻公  
并虞冀而後晉乃

蒲州府志

卷之二

地表

十六

有蒲則魯莊公時  
也諸志於周時  
概云地屬晉未  
能悉其先後詳  
別之故為分其  
世以屬於春秋  
著其地為晉之  
自庶不為晉漫  
者焉同於漫說

邑地

令狐 剗首 廬柳 桑泉 王官 涑川 郟瑕

白衰 河曲

左傳許君焦瑕  
注云河外五城  
以神農後之所  
陝虢間者之焦  
之然傳云朝濟  
夕設版焉則似  
當在河外且解  
瑕城與瑕並有  
舉宜而焦與瑕  
郟城與桑泉間  
戰國策魏世家  
圍我曲沃秦拔  
我皮氏汾陰焦  
此考較則焦當

戰國

魏

邑地

所北南經自春虞割西即十歟拔豈有永五屬  
 謂在注涑唐秋鄉首三猗三惜取昔東濟城河  
 伐南云水巳晉王官正十氏剗記莫或即其地  
 我原逕逕聞之官谷臨對澤在令徵也  
 涑上王官喜然故謂晉澤在令徵也  
 川左官喜然故謂晉澤在令徵也  
 俘傳城縣水壘即又則其狐也

二壘虞我  
 耶自鄉王  
 有尚官  
 遠是  
 豈矣  
 城則  
 與去

蒲坂  
 汾陰  
 封陵  
 陽晉

坂通而止書汾陰臨  
 志地地表不著蒲  
 而志地地表不著蒲

秦

河東郡

郡東東左  
自名置傳  
魏始官秦  
已有或焉始  
之曰河河

邑地

垣  
即蒲

晉已失之疎兼戰  
國秦時之臨晉則  
故大荔乃今朝邑  
地與唐所置在州  
屬者不置在州  
同也  
括地志晉故城  
今名晉城在虞鄉  
縣西南三十里  
魏哀王十三年秦  
杜陽晉即此城也  
封陵亦在蒲州

蒲州府志

卷之一

地表

十八

秦因趙舊置太  
原郡因魏舊置  
河東郡也

蒲阪  
汾陰  
陽晉  
封陵

西漢

司隸校尉部

河東郡

郡承秦置領  
縣二秦置  
郡地十屬及  
相郡縣郡承秦置領  
出地所屬及

屬城

猗氏

蒲阪

蒲地  
王理  
莽志云  
曰蒲故  
城曰



曹魏

河東郡

郡河承  
東漢  
地舊  
置置  
平又  
陽分

河北  
猗氏

蒲州府志

卷之一

地表

二十

西晉

司州司隸校尉部

河東郡

九領縣

縣

汾陰  
猗氏  
蒲坂  
解  
河北

晉永嘉之後河東

為劉石慕容符姚  
僭偽前後更相擅  
據宋武平關中地  
暫歸晉旋而屈子  
寇陷拓跋相攻元  
氏既興地入北魏  
通志沿革於兩漢  
不及河北大陽而  
以魏晉共為司州

魏無司州也

北魏

秦州

河東郡  
治蒲坂

縣

蒲坂  
有華陽城

南解  
有桑泉城

北解  
有張揚城

猗氏  
有介山塘

汾陰

北鄉郡

陝州

河北郡

縣

河北

有首陽山夷齊墓

後周

蒲州

縣

蒲坂

西魏大統四年周文

以兵渡河攻高氏其

猗氏

秦州降遂畧定汾絳

汾陰

改秦州置蒲州此蒲

虞鄉

蒲州府志

卷之一

地表

二十二

爲州之始

隋

河東郡

縣

河東

蒲坂并入

桑泉

汾陰

有龍門山

猗氏

虞鄉

唐

中都河中府

屬河東道河東採訪

使治蒲州至德後河

中節度使治為耀德

軍

縣

河東

次關赤南有風陵

河西

次析河開元八年  
大歷五年置朝  
邑河東別置有

關

臨晉

次更天寶十三年

猗氏

次有孤山縣

虞鄉

次畿

蒲州府志

卷之一

地表

二十三

永樂

次畿故河北縣  
地常隸虢州後

寶鼎

次元本陰開  
元十年獲寶鼎

萬泉

先武德三年置  
上隸德三屬  
蒲州有後屬

五代

河中府護國軍

五代並有河中府朱  
梁置護國軍

宋

河中府

屬陝西永興軍路轉運使於永興軍提點刑獄於河中府置司復有慶成軍

縣

河東

次赤熙寧中省河西永樂二縣

焉入

臨晉

次畿

猗氏

次畿

萬泉

次畿

榮河

次畿舊隸慶成軍本唐寶鼎以有榮光之瑞更縣名

蒲州府志

卷之一

地表

二十四

金

河中府

屬河東南路天會六年置蒲州防禦使天德元年仍護國軍節度使大定五年置陝西元帥府

縣

河東

有鎮二永樂置河有鎮二永樂置

榮河

有北郎鎮

虞鄉

兼得雷首山

萬泉

有胡壁鎮

臨晉

猗氏

元

晉寧路河中府

屬河東山西道肅政

廉訪司

縣

河東

萬泉

猗氏

榮河

臨晉

省虞鄉入

蒲州府志

卷之一

地表

二十五

明

山西布政司

平陽府蒲州

統五縣

縣

臨晉

猗氏

萬泉

榮河

河津

明時蒲州統五縣  
河津在焉國朝

國朝

山西布政司

蒲州府

統縣  
六

縣

未改府時猶仍其  
制通志沿革於明  
時即取河津削之  
則縣無所屬矣

永濟

臨晉

猗氏

萬泉

蒲州府志

卷之一

地表

二十六

榮河

虞鄉

郡地沿革

蒲地當冀州南境始曰西河繼曰河東則以州域帶河者言之其在上古烈山氏堯舜之所都頗著載籍夏殷代繼迄於西周多爲侯國虞芮冀耿郇瑕猗綸之屬畧可考見春秋晉霸并兼有之或賜趙夙或賜畢萬而大夫之采狐續卻芮張老所食邑亦具在焉其時見春秋傳者地有令狐桑泉王官瑕解河曲等魏氏分晉蒲爲所有其地則蒲坂汾陰封陵陽晉國策史記載之此後世置縣從始者也秦因魏舊置河

蒲州府志

卷之一

沿革

一十七

東郡漢河東郡復承秦置皆司隸校尉所察治晉立司州其河東郡亦領於司隸然漢河東領縣二十四後漢領縣二十晉領縣九而縣之屬今郡地者爲河北爲蒲坂爲猗氏爲汾陰爲解晉漢皆同則其相沿無改者矣北魏神麿元年置雍州領河東北鄉二郡延和初改雍爲秦州孝文太和中罷州爲河東郡天平初又復秦州其河東所領蒲坂猗氏南解北解其北鄉所領汾陰復置河北郡隸於陝州河北之縣大陽河北與漢晉同而郡分則異又南北二解亦稍不

同此其制設之小變也北周改秦州爲蒲州至今仍  
其名隋始爲蒲州河東郡開皇中廢郡存州領縣十  
曰河東曰桑泉曰汾陰曰猗氏曰虞鄉五縣爲今時  
郡地而河東桑泉虞鄉則隋所析置而更新其名又  
漢晉河北縣並有今永濟山南永樂地隋廢大陽并  
入河北於是河北東有砥柱北有傅岩之山川而芮  
城以西皆不復屬矣唐武德元年置蒲州治桑泉縣  
二年置蒲州總管府徙蒲州治河東縣九年置都督  
府開元八年置中都改蒲州爲河中府其歲罷中都

蒲州府志

卷之一

沿革

二十八

仍爲蒲州與陝鄭懷汴魏等州爲六雄十二年升州  
爲四輔天寶元年又改爲河東郡乾元初復爲蒲州  
三年復置河中府又爲中都有耀德軍五代之際承  
唐並號蒲州爲河中府梁置軍曰護國而唐蒲州所  
領十三縣在今郡者八曰河東猗氏虞鄉仍隋之名  
其易汾陰爲寶鼎易桑泉爲臨晉又析置永樂河西  
萬泉三縣則唐與隋異也宋時仍爲河中府謂之次  
府治河東縣仍置護國軍節度使又置慶成軍其節  
度兼提舉解州及慶成軍事然河中在唐隸河東道

而宋則以隸陝西路且并河西永樂於河東是宋與唐又異也金天會六年降河中爲蒲州置防禦使天德元年復升爲河中府爲散上府仍置護國軍大定五年於河中置陝西元帥府而所隸者則河東南路領縣同於宋矣元初仍河中府隸晉寧路治河東縣置河解萬戶府領蒲解二州而河中府領錄事司至元三年罷萬戶府并錄事司入河東縣省虞鄉入臨晉而領縣唯六明洪武三年廢元河中府改河東縣爲蒲州領臨晉猗氏萬泉滎河及河津五縣隸山西

蒲州府志

卷之一

沿革

二十九

平陽府 國初尚仍其舊雍正二年升蒲爲直隸州六年升州爲府置永濟縣割河津以屬絳州八年復分臨晉置虞鄉縣於是領縣九六曰永濟臨晉萬泉猗氏滎河虞鄉其縣名之始自兩漢而爲最古者唯猗氏存焉

河東古大郡號稱三河二漢及晉皆領以司隸唐則爲都爲府爲節鎮宋金元因之並爲府爲節度使爲軍誠以地要而特爲之重其勢明代廢前世之舊改爲散州計非其宜若以蒲論自

當爲府與平陽潞安等顧久無議此比至雍正  
中廓然更置易州而郡誠得措制之規矣雖然  
歷觀前志漢河東郡統縣蓋多即唐時府屬猶  
兼有解安邑襄陵稷山唯宋始得河東臨晉猗  
氏萬泉虞鄉滎河制沿金元相循無改而龍門  
一縣則由唐至明莫不統焉方設府時漢制雖  
不可幾或斟酌於唐時而得絳之稷山解之安  
邑不特於古有合抑郡大而勢加雄矣縱其不  
然或一仍明代州域兼有河津而不割之使外

隸於制置爲得其宜也

永濟縣古蒲坂地漢置蒲阪縣晉魏因之漢河東郡  
置河北縣晉魏亦因之而今縣兼有河北縣地水  
經注雷首山北與蒲坂分山今永濟山南地西至  
河東至芮城爲古河北縣矣隋開皇十六年析蒲  
坂置河東縣大業初并入河東自後縣無復蒲坂  
名唐仍隋河東縣開元八年析河東置河西縣又  
武德元年置永樂縣即故時河北縣地今山南之  
永樂也宋熙寧三年省河西縣六年省永樂縣爲

鎮於是統爲河東縣金元並同明改河東縣爲蒲州自隋唐至元之爲縣者始廢 國朝初仍蒲州雍正六年設府置倚郭縣名之永濟是爲今縣

蒲坂古爲蒲反傳記或云秦取魏地既而還予魏魏人喜蒲之還故曰蒲反班史地志曰本爲蒲秦始皇東巡見長坂加土於反爲坂故云蒲坂二者皆未之足取蓋古反與坂通反即坂耳不知古文妄以爲喜蒲之反豈其然哉至王莽世改曰蒲城至北魏周齊之際亦曰蒲臺庾信

詩所謂細柳望蒲臺長河始一迴者也古蒲坂縣治在州城中今其處已無可考而舊傳唐河東縣治在故蒲坂治東二里或以爲即明時蒲州治是或又以爲州治乃元河中府治皆莫之能詳唯唐析河東置河西縣雖省廢不一然唐志大歷五年析朝邑河東別置河西縣有蒲津關一名蒲坂則河西亦兼有朝邑地而今郡城西偏至大慶關以西宜皆爲唐時河中府河西縣地而古所爲蒲坂者應亦即在於此也自後

周置永樂郡隋初罷以芮城屬河東唐武德初分芮城置永樂縣二年以永樂河北芮城置芮州九年州廢以永樂隸鼎州即闡鄉貞觀中又以永樂隸虢州神龍元年復屬蒲州河東郡至宋熙寧六年始省爲永樂鎮入於河東縣此永樂置設興廢之跡採而著於篇

北魏志蒲坂有華陽城水經注汾水逕冀亭南又西與華水合水出北山華谷西南流逕一故城西俗謂之梗陽城非也按故漢上谷長史相

侯君碑云侯氏出自倉頡晉卿士薦其裔也食於華陽今蒲坂北亭地即斯城也汾水又逕稷山西去介山十五里云云據道元所言華陽城尚在稷山北然魏收載之酈氏又指爲今蒲坂北亭地豈當時蒲坂甚大實兼今萬泉諸地而縣之然漢晉志皆無華陽城而獨見於魏或拓跋時常并縣邑有省入蒲坂者而魏酈唯舉其一時見在者爲說耶

山西通志永濟虞鄉界辨 蒲州永濟在金爲

河東縣金地理志注有中條山五老山黃河媯  
汭而注虞鄉縣則云有雷首山中條山檀道山  
按黃河媯汭在蒲西境中條沿虞解以東迄而  
漸北其極西則矗起雷首河流於此一曲檀道  
山一名方山又曰鹽道山又曰百梯山而五老  
山又在方山之東去虞鄉城裁十里虞鄉界既  
西及雷首河東界又東至五老豈兩邑互相管  
轄乎大凡山勢綿聯其左右前後正側皆得以  
故名概之賞詢之士人謂繇方山五老山而上

度危徑漸見平原地甚寬廣其南即今永濟芮  
城二邑境也蒲州舊志云歷山在州南六十里  
媯汭泉出焉方山在州東南一百二十里永樂  
鎮後純陽宮即在其麓外此所載山水尚夥而  
五老山不見州志今以地形揆之則雖謂虞鄉  
奄有方山五老山之陰永濟奄有方山五老山  
之陽也可而今虞鄉西界裁止草平頭與雷首  
相距三十里是與金時界異也

臨晉春秋時晉桑泉地或曰古黃帝時臣張若所封

故有東西張之遺兩漢屬河東郡爲解縣地晉如  
之元魏分置北解南解臨晉於時爲北解隋開皇  
十六年改置桑泉唐武德三年析桑泉置溫泉縣  
九年省入桑泉至天寶十三年更縣曰臨晉臨晉  
之名自此始矣五代宋金元如唐之舊明隸蒲州  
至國朝分臨晉復如隋唐制置虞鄉縣在臨晉南  
並隸蒲州府

臨晉有二其見於秦漢之際者在陝西同州史  
記注引舊說秦築高壘以臨晉國故曰臨晉又

史記魏豹塞臨晉則故大荔地秦所取者庾信  
賦渡臨晉而橫船正指其地漢置臨晉縣在左  
馮翊爲古芮故國有河水祠王莽改監晉者皆  
與今縣無與一統志及諸志並引入之是不知  
辨而徒妄言者若唐置臨晉宋白云天寶之更  
名必有所據然採應劭臨晉水之說以爲未可  
非則仍指在馮翊者耳豈得訓夫桑泉之地哉  
或又引地理通釋臨晉關即蒲津關在臨晉縣  
然此臨晉亦仍屬馮翊通志引魏世家哀王十

六年秦拔我蒲坂陽晉括地志晉陽故城今名晉城在虞鄉縣西南三十五里抑或以臨晉陽而名之恐亦未然也

王恭先臨晉辨 舊志謂秦築高壘以臨晉國即今之臨晉非也考班氏註左馮翊臨晉縣故大荔也秦取之更名應劭曰以臨晉水故名臣瓚曰晉水在河之東此縣在河之西不得云臨晉水也舊說秦築高壘以臨晉國故曰臨晉章懷註曰臨晉故城在今同州朝邑縣西南斯言

當矣史淮陰侯傳魏王豹盛兵蒲坂塞臨晉師古曰臨晉在河之西濱東臨晉境魏世家文侯十六年伐秦築臨晉正義曰在同州澄城縣界前曹參傳以中尉從漢王出臨晉關伍被傳淮南王曰先要成臯之口塞轅轅伊闕之道守武關然此北尚有臨晉關地理通釋云即蒲津關在臨晉縣由諸說觀之史記所謂塞臨晉者塞對河之臨晉關耳小司馬不諳地形乃曰臨晉縣名在河東岸對舊關不知漢時河東止有解

縣而無臨晉此說一誤後人沿爲口實一統志於蒲州臨晉遂曰秦築高壘以臨晉國故名夫築壘臨晉本無所出獨見於臣瓚之注漢書既引以實馮翊不知諸儒何見欲引入河東也即曰河曲可入王官可俘而高壘何不可築但河東西未聞一時有兩臨晉譌以傳譌建安馮智舒因之作質實編以註朱子綱目質而不實貽誤尤甚予固不得不爲之辨

萬泉縣漢汾陰地晉末薛通築城於此號薛通城元

蒲州府志

卷之一

沿革

三十一

魏周隋仍汾陰唐武德三年析稷山安邑猗氏汾陰龍門地置以縣東谷中多泉故名之萬泉初隸秦州貞觀初改隸絳州大順二年來屬河中府宋金元因之明隸蒲州 國朝隸蒲州府

萬泉其先諸志皆莫考然以傳記推之在春秋時宜當爲冀地說已見於前漢書汾陰地志注云介山在南而唐志萬泉有介山則與漢時合然古以水南爲陽而汾水不至萬泉即以介山爲徵恐在當時亦不必盡爲汾陰而後世志地

理者大概言之耳後漢地志聞喜邑本曲沃有  
稷山亭今萬泉接稷山縣甚近萬泉東十五里  
有稷王山或云即古稷山亭處然則其在漢時  
亦應兼有聞喜地唐初時河東多寇亂且時虞  
突厥之入故割安邑猗氏龍門稷山因薛通舊  
城爲險阨以制其勢縣之所以設也

予作地表以今萬泉滎河宜爲春秋冀耿二國  
地據後漢志河東皮氏有耿鄉冀亭晉獻公滅  
耿杜征南注云平陽皮氏縣東南有耿鄉地記

又曰皮氏縣汾水南是故耿國也春秋冀伐虞  
杜注云冀國名平陽皮氏縣東北有冀亭自後  
世言地輿者以今河津爲漢皮氏縣即古耿國  
至於冀則更無有及者是蓋不明於封建之制  
古今地理之紀而徒以後世之縣域畫前代之  
封疆無恠說多疎而千載以上昭然可見者就  
歸泯沒也請得詳指之水經注云汾水又西逕  
清原城北故清陽亭城北有清原晉作三軍處  
也汾水又逕冀亭南京相璠曰河東皮氏縣有

冀亭古冀國之都也汾水又西與華水合又西  
逕稷山北山在水南可四十許里山上有稷祠  
下有稷亭西去介山一十五里汾水又西逕鄧  
邳北邳在介山北即汾山也高可十餘里山上  
有廟側有靈泉祈祭之日周而不耗今據萬泉  
志介山在縣南二里上有神祠介山東十五里  
有稷王山上有稷廟與道元之注古今正同蓋  
漢時無稷山縣而後漢志聞喜邑有稷山亭自  
冀亭之南漢皮氏與聞喜分縣界而稷山延連

甚大東西二十里南北三十里其東南爲聞喜  
其西北爲皮氏今之稷山蓋隋析聞喜所置自  
是漢之所爲稷山亭者不屬聞喜而唐又割安  
邑龍門稷山諸縣地置萬泉縣今考萬泉東北  
去稷山不過三十里萬泉北至河津僅二十里  
西北至河津亦僅二十五里以是求之則不獨  
河津爲皮氏即稷山萬泉雖謂古屬皮氏猶可  
焉而所爲冀亭在皮氏東北者正今稷山河津  
兩邑之交春秋諸國大者數圻次亦百里計冀

當時能再興師伐虞入顛軫之坂類非弱小即以百里準之地亦不盡一縣况皮氏有冀復有耿同在一時難爲二國而自今河津北爲鄉寧縣則北屈所居也其東爲絳爲聞喜又晉所有也東北之地既非冀域則於其西南爲之封畛而萬泉屬在至近以爲冀地夫何所疑彼云在皮氏東北者特其國都耳至於疆土大小近遠之所在恐未得以一亭限也且言耿國者既云在皮氏東南則就河津論之東南至萬泉不過

四十里南與西南至滎河亦不過三十餘里其東北既有冀則亦不能不於西南而立壤土焉則今滎河之宜亦爲耿地者又何所疑彼云耿鄉在皮氏東南者亦特言其所都處耳是蓋度以地形審於事理參之以封建通之以古今雖載籍有勿詳前議有未及直可取決而無惑焉不然春秋之初魏國未及分晉且未之并記國名者無他小侯今二縣地非耿冀之屬將虛焉而無託哉

猗氏縣郇瑕氏之墟也春秋晉令狐地秦世以古有猗氏國因稱猗氏兩漢皆爲縣晉仍之並屬河東郡北魏制沿漢晉西魏改桑泉北周復爲猗氏隸汾陰隋改隸河東郡如漢晉制唐隸河中府宋金因之元常并萬泉入焉後復分置明仍猗氏縣領於州 國朝隸蒲州府

古猗氏大矣水經注河東鹽池謂之解鹽池西又有一池謂之女鹽澤在猗氏故城南春秋晉謀去故絳諸大夫曰郇瑕地沃饒近鹽杜預曰

猗氏有監池後分猗氏安邑置縣以守之魏書猗氏有介山塘是則今安邑萬泉地其初並猗氏有矣自世之勿考乃謂猗氏由猗頓之富漢因頓而名其縣則孔叢子明云頓適西河大畜牛羊於猗氏之南以興富於猗氏故曰猗頓是先有猗氏而後乃有頓且太史公亦止稱猗頓而不詳其姓則頓之姓氏都不可知如說者之言將以猗卽爲頓之姓而縣之氏又託始於頓吁何謬哉

猗氏城郇城解城桑泉令狐白城等地通辨  
今猗氏城非郇伯故城也故城在今縣治南十  
八里猗故址不可考然酈註瑕城在故解城東  
北二十四里猗氏故城西北俗名郇城郭爲觀  
據此以辨且謂北解在今臨晉城東城西兩村  
之間南解在卿頭村去郇城西南二十餘里按  
郇城在猗縣南二十里隋大業九年廢與郇伯  
故城似屬兩地左傳郇瑕每分舉而諸大夫皆  
曰必居郇瑕氏之地則連及之揆其里道疑亦

不相遠也猗氏故城應在郇城東南郭爲觀謂  
應在解安之交乃今解非古解也但杜釋地云  
今解西北有郇城又曰猗氏縣東北有瑕城服  
虔曰郇國在解縣東解東解西二說不符意晉  
時解之東境所轄甚廣西北二字第據一境而  
言耳晉志註解謂有鹽池今池東西共一百二  
十里地形可據至服虔所云在解縣東則無論  
南北解皆屬東境此無可疑者卿頭去城東城  
西兩村約二十五里城東城西在今涑河北卿

頭在涑河南古令狐在今猗氏之西北隅春秋  
桑泉故城在今臨晉東北隅後漢解有桑泉城  
杜註在縣西二十里後魏南解有桑泉城疑皆  
在臨晉而西魏改猗氏曰桑泉隋桑泉有三疑  
山則又兼界今之臨猗二邑矣曰城後漢亦屬  
解晉文公取臼衰即此據杜預註在縣東南是  
謂在解縣東南也應屬今虞鄉

滎河縣古西河地夏孔甲居之周時亦爲耿國地戰  
國爲汾陰漢因之置汾陰縣晉劉淵僭僞省入蒲

蒲州府志

卷之一

沿革

四十二

坂元魏復爲汾陰自漢至隋唐並屬河東而唐天  
寶十一年以地得寶鼎之祥遂改汾陰爲寶鼎宋  
大中祥符四年以滎光鞏河又改寶鼎曰滎河於  
縣置慶成軍金改置滎州元仍爲縣而隸河中府  
者自唐至元無異焉明仍滎河縣爲蒲州屬邑  
國朝府領之

諸志並以滎河爲古綸爲夏少康邑然考夏都  
安邑而羿距太康於河遂不能歸其後相居商  
邳爲稟所弑后緡方震自竇逃出歸有仍生少

康及長爲仍牧正稟使人求少康乃奔有虞爲之庖正虞妻以二姚而邑諸綸後漢志梁國虞有綸城少康邑漢之梁國在唐爲宋州宋號南京今河南歸德府地惟仍近虞故少康便得往奔且方太康後夏社幾墟安邑舊都無適主者少康出流離逃播之餘所依諸侯多在山東然後誅夷寒浞光復舊物方其初時身爲亡虜窮於讐購西河越在數千里外亦安能跋涉險遠就此邑居况虞思爲國在彼河南而此爲綸豈

猶虞邑古綸云云蓋出博物記訛謬之傳梁劉昭知其不足信故於地理志汾陰下聊附記之所不削者或亦郭公夏五之意而大書虞城綸邑於梁國以著其是然則此云少康邑者亦無取稱矣若滎河之爲綸則會盟圖地道記指爲上古封國者當舉以箴昔人之缺耳余既辨少康綸邑之非且謂滎河宜故耿國地若祖乙之耿猶少康之綸也已稍見說於地表顧尚有所未盡書盤庚不常厥邑於今五邦蓋

殷家國邑屢徙路史自契至湯八遷盤庚五遷然路史知辨五遷俱出盤庚之爲妄亂乃猶以龍門故皮氏縣東耿鄉城是祖乙所居則仍蔽於舊誤而不能通據漢書地理志皮氏注耿鄉故耿國晉獻公滅之以賜大夫趙夙後十世獻侯徙中牟其言耿可爲詳矣然初不及祖乙竹書紀年祖乙勝遷於庇沃甲祖丁因居之紀年所載雖與太史公爲邢者不同然亦終不言耿且太史公篤學好古生於龍門去耿至近而漢

距今未遠使祖乙果常居此安有不熟聞之顧於殷本紀必曰祖乙遷於邢而不以耿哉耿之云然徒見書序前世達議通人多疑書序出於僞作義理淺俗殆少足信唯博士授書守而尊之後作疏者遂謂耿是反譏遷邢之言乃子長自爲說亦已陋矣且書最初時爲之傳者則孔安國後注書者則鄭康成乃孔鄭亦但依序言祖乙遷耿未嘗實指耿爲何地其曲爲之說者又謂古邢與耿通太史之邢即皮氏之耿是又

無稽之甚者也考邢在春秋爲邢侯國秦屬邯鄲郡石勒所爲襄國者今順德之南彰德之北乃其故墟昔者仲丁遷囂河亶甲遷相並今彰德衛輝間地惟囂近相故亶甲得以就其近而遷焉唯相近邢故祖乙亦得以就其近而遷焉又竹書之庇地卽爲邶亦在沫邦接望邢鄴合以求之祖乙所遷定不越是皇甫謐謂耿在河北迫近山川王肅謂祖乙至盤庚五世邑居墊隘水泉瀉鹵鄭康成謂民居耿久奢淫成俗以

今論之邢鄴之間北太行南漳洹大河經流則山川迫近之徵矣史起之時漳尤爲患始決而渠之以溉則墊隘瀉鹵之驗矣魏地儉嗇褊急至今如之民雖久居俗自難變唯河北厥土沃饒樂風靡蕩其習易成則民俗奢淫之效矣凡此諸端並足明耿之非證邢之是世有好僞者亦指今垣曲爲湯都夫湯居洛陽偃師去垣尚近然且實未嘗遷而都此况邢邶在洛陽東北不但數百里彼祖乙者亦奚爲不憚險阻必遠

去先王而來耿哉知湯不居垣即知乙不居耿  
彼酈元之徒唯事好奇於注水經輒復道之昧  
勿審焉故著其說以附於地志俾與少康之綸  
同正其失也

宋政和五年賜府州郡名曰滎河府州今延安  
府谷地是其滎河之名則與縣同也

虞鄉縣古虞墟漢爲解縣地晉仍之北魏置縣曰安  
定又改綏化至北周始更名爲虞鄉縣隋沿周舊  
並隸河東郡唐武德之初更名解又別置虞鄉貞

觀十七年省解縣二十二年復置解縣省虞鄉入  
之天授二年復析解置虞鄉隸河中府五代宋金  
仍之元至元三年省爲鎮入於臨晉明因元舊至  
國朝雍正六年既設府八年析臨晉置虞鄉

臨晉志虞鄉沿革攷云春秋解梁地秦漢晉爲  
解縣後魏太武元年析置安定西魏改曰南解  
又改綏化隋曰虞鄉今臨晉縣治西南三十里  
五姓湖北有故城即其地也隋大業九年徙虞  
鄉縣於今解州治唐武德元年更爲解縣屬虞

州今安邑

更於解西五十里別置虞鄉縣貞觀十

七年虞州廢省解縣入焉是年復省虞鄉入解  
天授二年復置嗣是宋金虞鄉名如故元世祖  
至元初并縣入臨晉考魏書河東郡南北解並  
高祖太元中所改佛助所書不及西魏志謂西  
魏改南解者誤據隋書耳

雍正八年分臨晉置虞鄉縣遣刑部侍郎韓光  
基等至蒲州府相度地宜光基奏臣到臨晉縣  
隨赴坡上并虞鄉山下一帶地方相度形勢訪

蒲州府志

卷之二

沿革

四十七

問輿論蓋因原任侍郎王璣條奏分設虞鄉縣  
於坡上地方而山西撫臣石麟以坡上去臨晉  
僅十餘里請將虞鄉縣設於涑水河南之虞鄉  
鎮臣等竊以虞北臨南中隔一水實天成之界  
限請即以涑水一河爲兩縣交界凡沿河村庄  
坐落河南者俱編入河南就近之里分以歸虞  
鄉坐落河北者俱編入河北就近之里分以歸  
臨晉統計臨晉一縣應分四十一里新設虞鄉  
一縣應分二十四里

明時平陽衛所屯營有五舊隸臨晉 國朝雍正三年裁衛五年以衛隸臨晉縣八年分設虞鄉以涑水爲界右所在涑水南分隸虞鄉其中左前後四所仍隸臨晉明故晉府羣牧十三營本散列東西今以夏吳浪店夾馬口下馬營在西北隅與臨晉近屬之臨晉其餘九營在涑水南者屬之虞鄉從民便也

蒲之虞鄉與解州平陸縣皆古虞國地虞故有二在周以前爲古國舜先世所封則虞幕後國

也虞芮質成至商未猶存或以虞爲舜後國禹封商均子於此是殊不然昔舜八子禹既封商均於商復封舜別子於虞今河南歸德虞城縣是少康所奔而邑者於此無與也唯古虞國至周初時其亡滅不可復考武王以其國故墟封仲雍後於是虞鄉平陸又爲周時之虞國若皇甫士安謂舜嬪於虞因以爲氏今河東大陽西山上虞城是則專指平陸言之羅長源則云所謂嬪於虞者今解之虞鄉杜征南又謂在大陽

樂史寰宇記以爲安邑說各不同要之長源土安並據虞地一偏以言若括地志故虞城在陝州河北縣東北五十里虞山之上水經注謂幹橋東北有虞城堯女嬪虞之地路史又言平陸東北六十里吳山上有虞城虞井本帝舜後國亦指平陸或專言舜不及虞鄉然嘗論之虞鄉之名雖始於隋虞鄉爲地當古虞國蓋虞鄉在漢屬解解梁名見左傳則春秋中世其時晉人滅虞已久若晉未假道之先虞國猶在虞爲大

國故晉獻公亡虢五年而後舉虞虞在當時其地蓋廣且今之平陸有上陽下陽虢二邑在焉是既不得盡爲虞而虞與芮隣匹芮居馮翊臨晉尚跨河以有芮城則虞境西掩中條宜兼及解况虞鄉又古封域之舊乎考之漢志九亡國故都所在皆表以鄉若城與亭因立縣邑故皮氏以耿國而有耿鄉涿郡以州而有州鄉芮城以芮而有芮鄉隋時置縣意其亦因虞國舊地而虞鄉號之不然以爲舜都安邑故改虞州若

虞鄉曾非帝都且遠安邑彼亦何所取而爲此  
臨晉舊志乃謂虞鄉以舜都故名不已鑿乎山  
西通志辨虞鄉城謂舜後周後不可合爲一此  
言是矣然不審虞封之舊乃以虞鄉至平陸九  
百里相去甚遠越嶺而轄似爲未便若虞鄉達  
蒲坂地差平坦則以虞鄉爲舜後封似爲近之  
云云是欲強分之而爲調停之說其見迂而不  
達非通論矣夫周封建之初周公居曲阜太公  
營丘詩言奄有龜蒙遂荒大東傳言南至穆陵

北至無棣何常不跨山越河而治其爲地抑豈  
百里之遠哉大抵人情爭引聖人爲光榮自古  
有然是以水經注幹橋有虞嬪之談路史指虞  
鄉爲釐降之地要以舜稱有虞而幕子雍孫同  
其封號因號之同訛附尤易是以舜跡若皆在  
焉若夫虞坂虞城在平陸者以爲虞公亡國之  
餘則可必以爲舜或恐未安至於其井不足深  
辨而虞鄉舜後商均子封亦非其信禹既國帝  
子於虞城何復於斯更胙虞土此亦事理之易

明然而五虞紛紜訟聚前彥世邈籍缺剖決殊難且事非其要抑可以不必耳

山西通志臨虞今古分合辨 虞鄉在唐虞夏

商皆屬畿內春秋屬解梁奄有桑泉等地戰國

屬魏漢置解縣屬河東郡魏正始晉太康皆名

解以司州領之後魏太和元年曰安定西魏大

統十一年改分南解北解南解有桑泉城 見魏書註

又改綏化又曰虞鄉有石錐山百梯山百徑山

見隋書註北解有張揚城 見魏書註尋廢隋開皇十六年

蒲州府志

卷之一

沿革

五十一

置桑泉有三嶷山 見隋書註北面併今猗氏之半又

別置虞州兼得今安邑地有鹽池銀冶至大業

初州廢 見隋書註又改南解為虞鄉義寧元年虞鄉

屬安邑郡唐武德元年更虞鄉為解縣屬虞州

而於解西五十里別置虞鄉縣 即元廢縣後之虞鄉鎮也三

年析桑泉置溫泉縣九年省入桑泉貞觀十七

年廢虞州省解入虞鄉有鹽池女鹽池紫泉監

三十二年復以地入解天授二年復析解縣置

虞鄉北十五里有涑水渠渠即貞觀十七年刺

史薛萬徹開自聞喜引入下臨晉者也

見唐書註

五

代至宋金惟周世宗二年於河北復置虞州餘

皆名虞鄉元世祖至元二年乃省虞鄉入臨晉

按虞鄉名始於西魏

見隋書註

屬虞州者前後止數

十年而漢後隋前皆屬河東唐罷郡為州屬蒲

州宋金元屬河中府明屬平陽府蒲州臨晉名

始於天寶十三載前此與虞鄉或分或合其北

解故城在今臨晉東南城東城西兩村之間非

今解州治也

見郭為觀郇城考

惟南解昔人所指各別

蒲州府志

卷之二

沿革

五十二

考解州舊志南解管至虞鄉鎮即今虞鄉縣是

也臨晉舊志虞鄉在臨晉西南三十里五姓村

北之古城即古解梁地也郭為觀則謂在卿頭

村即今涑水南逕處也意卿頭五姓以及元虞

鄉鎮皆古南解所轄乎抑五姓湖即張揚池臨

晉舊志引括地志云張揚城一名東張城在蒲

州虞鄉縣西北四十里則五姓湖倘亦北解所

轄乎春秋桑泉故城在今臨晉東北與魏桑泉

城隋桑泉城亦未可混為一隋桑泉即北解故

城是也自省虞鄉入臨晉幾五百年今以涑水  
姚渠中隔徵輸不便是以有復設虞鄉之議其  
管以涑河爲界屬蒲州府自猗氏祁任智光以  
西臨晉五姓村以南沿河如東西渠下東西卿  
頭大小姚村楊村薄落頭等村以南直達條山  
之陰皆隸虞鄉其餘河北各村皆隸臨晉天成  
界畫良規不易矣

形勝

蒲州府

黃河北來太華南倚總水陸之形勢壯關河之氣

色

唐元載中都議

全晉列藩三河外屏條山峙其左紫淵居其右前

瞻巨岳却眺隆睢黃虞之所興神祇之所宅

王欽若

北接汾晉西連同華

金史

北負關陝南阻大河

元史

西阻大河東倚太行潼關在其南龍門在其北

舊志

蒲州府志

卷之一

形勝

六十二

臨晉縣

中條峙於前峨嵋拱於後東連涑水西距黃河玉

柱標峯洞稱福地王官飛布溪號禎陵一方形勝

此其最焉

臨晉志

猗氏縣

北枕嵎原南憑涑水田廬錯繡桑柘鋪棻境內無

名山大川而遠岫重谿並歸襟帶居山河之腹心

當秦晉之咽喉

猗氏志

萬泉縣

南阻孤山北繞汾水連山帶谷地勢欹傾

萬泉志

滎河縣

峨嵋東環洪流西帶北連汾水南接百谷遠峙孤

山之秀近依睢土之滎

滎河志

虞鄉縣

阻中條以爲險扼解芮而通關遠控虞城近掣蒲

坂數縣之隘塞一郡之中權

通志

禹別高山大川以定州境迄今郡邑可改河岳不

遷蒲表裏完萃昔賢謂形勝甲於天下故風氣雲

蒲州府志

卷之一

形勝

六十三

凝人文霞蔚是以大舜耕則歷山重夷齊餓則首

陽顯

舊志

蒲爲郡被河山之固介雍豫之交方春秋戰國

時詭諸得之以強其國重耳得之以抗秦魏斯

得之而雄三晉者也以山西論之則爲并汾之

外戶而障其南以大勢論之則爲關中陝洛之

樞而扼其要故蒲之所繫重矣以自北而西南

者言之劉淵陷蒲坂則晉之洛陽危金婁室破

河中宋關陝不能守以自秦豫而北者言之前

則赫連屈子攻蒲坂拓跋爲之震動後則宇文泰取秦州因得畧定汾絳而高氏晉州始岌岌以就亡蓋形勢居要所謂得之者雄自昔論者詳矣漢末曹公謂荀彧河東被山帶河四隣多變當今天下之要地韓遂馬超反關右曹公引兵至潼關召徐晃問計晃曰公盛兵於此而賊不別守蒲坂知無能爲也天寶之亂安祿山據兩京郭子儀謂河東居二京間得之則二京可復金末完顏伯嘉上言曰中原之有河東猶人

之有肩背河東保障關陝此必爭之地若使他人據之則河津以南太行以西皆不足恃合數者以觀其要亦可知其所繫之重而控制之形得失之效儼若眉列與掌指矣若夫外則環以洪流內則屏以中條絳解爲之背腋同華隣於輔車則一郡之負雄居塞者有獨擅焉然依山爲險南尤在於虞鄉憑河爲固北尤在於汾陰昔魏豹絕河關今大關韓信潛渡臨晉石天應取河中侯小叔復出中條蓋河即可資爲巨塹而

秦晉共之山即可恃爲阻障而解芮同之是必知其倚伏曲折之情乃謹藩籬堂奧之守又其形便所在規畧宜然者也詳夫前代自後周始置蒲州隋時州域北有龍門南有芮城東兼安邑夏縣河北則河山之險爲之增固而郡之形勢實完且壯古今制置斯最得焉若夫宋之蒲州不以屬河東而特領於陝西路蓋亦以地重勢要而隱爲控馭維掣之意歟特其領縣視唐倍少金元再世因之至明且降而爲州其失逾

甚當崇禎季歲秦督孫傅庭出關討賊也使蒲州是時早如唐制爲重鎮置府大帥頓兵其間與傅庭聲援共爲進止渡河并力犄角列軍傅庭未必遽爲賊敗即敗而潼關尚可扞守何至使賊遂破三秦明年渡河臨蒲不攻自下長驅以北太原亦就淪陷哉此有識者所爲歎息矣

疆域

蒲州府

山西布政司西南一千一百里東西廣一百四十

里南北袤二百三十里自府治至京師九二千二  
百里

東至解州界七十五里

西至陝西朝邑縣界五里

南至陝西潼關界六十里

北至絳州河津縣界一百六十里

東北至絳州稷山縣界二百二十里

東南至解城芮城縣界一百一十五里

西南至陝西潼關界七十里

蒲州府志

卷之一

疆域

六十六

西北至滎河黃河岸接陝西韓城縣界一百二十  
一里

永濟縣

附郭

東西廣五十里南北袤一百一十里

東至臨晉縣界四十里

南至潼關六十里

西至陝西朝邑縣界大慶關五里

北至臨晉縣界五十里

東南至解州芮城界一百十五里

西南至陝西華陰縣八十里

西北至臨晉縣界六十里

東北至臨晉縣治七十里

臨晉縣

府東北七十里東西廣五十五里南北袤七十里

東至猗氏縣界二十里縣治四十里

南至涑水河虞鄉界三十里

西至黃河接陝西郃陽縣界四十里

北至滎河縣界四十里

蒲州府志

卷之二

疆域

六十七

東北至萬泉縣界六十里縣治九十里

東南至虞鄉縣治六十里

西南至永濟縣界二十里縣治七十里

南北至滎河縣界三十里縣治六十里

萬泉縣

府東北一百六十里東西廣八十里南北袤五十里

東至絳州稷山縣界五十里

南至猗氏縣界三十里縣治六十里

西至滎河縣界三十里縣治七十里

北至絳州河津縣界二十里

東南至解州安邑縣界三十里

西南至臨晉縣界三十里縣治九十里

西北至河津縣界二十五里

東北至稷山縣界三十里

猗氏縣

府東北一百一十里東西廣四十里南北袤六十里

蒲州府志

卷之一

疆域

六十八

東至解州安邑界二十里

南至解州界三十里

西至臨晉縣界二十里縣治四十里

北至萬泉縣界三十里縣治六十里

東南至安邑縣界三十里

西南至臨晉界四十里自臨晉至永濟縣治一百一十里

西北至臨晉縣界二十里自臨晉至滎河縣治一百二十里

東北至萬泉縣界五十里

滎河縣

府北少東一百二十里東西廣四十里南北袤八十里

東至萬泉縣界四十里萬泉縣治七十里

南至臨晉縣界三十五里

西至黃河岸九十步

北至絳州河津縣界五十里

東南至臨晉縣治六十里自臨晉至永濟縣治七

蒲州府志

卷之一

疆域

六十九

十里

西南至黃河接陝西郃陽縣界五里

西北至黃河接陝西韓城縣界五里

東北至河津縣界七十里

虞鄉縣

府東六十里東西廣五十里南北袤七十五里

東至解州界二十里

南至中條山橫嶺解州芮縣界三十里

西至永濟縣界二十五里縣治六十里

北至涑水河臨晉縣界四十五里臨晉縣治六十里

東南至解州界三十五里

西南至永濟縣界三十五里

西北至臨晉縣界四十五里

東北至猗氏縣界四十五里縣治一百三十五里諸志所列郡縣廣袤與道里遠近互爲不同如平陽府舊志謂蒲州至省城一千四十里而通志云在布政司西南一千一百里通志謂永濟

縣廣五十里府州舊志則云四十一里萬泉縣志謂廣袤各五十五里府志如之通志則云廣八十里袤五十里府志萬泉在蒲州東北一百九十里通志云六十里蓋古者設爲分率準望之法以審度地理故廣輪遠近多少之數皆得辨覈而正定之後世其法既亡算弓步者已失其精據故牒者或淆其實此前人所譏郡縣志多疎畧其道里未必盡核者也今第依通志書之